



Број: 01/5-50-3-266/26

Сарајево, 20. 1. 2026.

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2025. GODINI**

Sarajevo, januar 2026. godine

SADRŽAJ

POGLAVLJE I. UVODNI DIO.....	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	6
Odjeljak B. Izvještaji o radu.....	6
Odjeljak C. Imenovanja.....	6
Odjeljak D. Aktivnosti u vezi s razmatranjem i usvajanjem ostalih akata.....	6
Odjeljak E. Ostale aktivnosti Komisije	8
Odjeljak F. Međunarodna saradnja, seminari, konferencije i radni sastanci.....	8
POGLAVLJE III. REZIME	8

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25), u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014) i Zaključkom Predstavničkog doma (broj: 01-50-1-15-15/15 od 22. 7. 2015), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj

o radu Komisije za saobraćaj i komunikacije Predstavničkog doma u 2025. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine Bosne i Hercegovine (u daljnjem tekstu: Komisija) stalno je radno tijelo Predstavničkog doma Parlamentarne skupštine Bosne i Hercegovine (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

Predsjedavajući Komisije je Jasmin Imamović, prva zamjenica predsjedavajućeg je Sanja Vulić, a drugi zamjenik je Slavko Matić. Ostali članovi Komisije su: Milan Dunović, Jasmin Emrić, Nenad Grković, Šemsudin Mehmedović, Nihad Omerović i Edin Ramić. Sekretar Komisije je Ahmed Jalovičić.

Komisija je obavljala poslove iz svoje nadležnosti, u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala 11 sjednica, s ukupno 51 tačkom dnevnog reda, u okviru kojih je usvojila 33 zaključka.

Prosijek prisustva članova Komisije sjednicama Komisije je 69 %, a sjednice su u prosjeku trajale 76 minuta.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
24. sjednica 22. 1. 2025.	7	56
25. sjednica 12. 3. 2025.	6	89
26. sjednica 14. 4. 2025.	5	78
27. sjednica 13. 5. 2025.	4	56
28. sjednica 15. 5. 2025.	1	78
29. sjednica 3. 6. 2025.	2	78
30. sjednica 12. 6. 2025.	3	56
31. sjednica 8. 7. 2025.	8	67
32. sjednica 14. 10. 2025.	6	78
33. sjednica 26. 11. 2025.	7	67
34. sjednica 12. 12. 2025.	2	56
Ukupan broj sjednica: 11	Ukupan broj razmatranih tačaka: 51	Prosječno prisustvo: 69 %

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala 11 sjednica. Također, Komisija je održala i jednu tematsku sjednicu, kao i javno saslušanje.

Na 11 održanih sjednica Komisija je razmatrala dva prijedloga zakona, dvije poslaničke inicijative, tri izvještaja o radu institucija iz nadležnosti Komisije, kao i druge akte iz svoje nadležnosti.

Komisija je povodom razmatranja materijala iz svoje nadležnosti usvojila 33 zaključka za više institucija, od čega:

- šest zaključaka za Ministarstvo komunikacija i prometa Bosne i Hercegovine;
- jedan zaključak za Predsjedništvo Bosne i Hercegovine;
- jedan zaključak za Vijeće ministara Bosne i Hercegovine;
- 11 zaključaka za Predstavnički dom Parlamentarne skupštine Bosne i Hercegovine;
- dva zaključka za Pravobranilaštvo Bosne i Hercegovine;
- jedan zaključak za Regulatornu agenciju za komunikacije Bosne i Hercegovine;
- četiri zaključka za Agenciju za pružanje usluga u zračnoj plovidbi Bosne i Hercegovine;
- jedan zaključak za Elektroprijenos Bosne i Hercegovine;
- jedan zaključak za Nezavisni operater sistema u Bosni i Hercegovini;
- jedan zaključak za Upravni inspektorat Ministarstva pravde Bosne i Hercegovine;
- jedan zaključak za Ured Visokog predstavnika za Bosnu i Hercegovinu;
- jedan zaključak za Delegaciju Evropske unije u Bosni i Hercegovini;
- dva zaključka za Kolegij Sekretarijata Parlamentarne skupštine Bosne i Hercegovine.

Predstavnički dom je usvojio 11 zaključaka koje je Komisija predložila na usvajanje Domu, od čega:

- tri zaključka za Ministarstvo komunikacija i prometa Bosne i Hercegovine;
- dva zaključka za Vijeće ministara Bosne i Hercegovine;
- jedan za Dom naroda Parlamentarne skupštine Bosne i Hercegovine;
- jedan zaključak za Upravni odbor i menadžment Radiotelevizije Bosne i Hercegovine;
- jedan zaključak - konstatacija u vezi teškog stanja na Radioteleviziji Bosne i Hercegovine;
- dva zaključka za Vijeće Regulatorne agencije za komunikacije;
- jedan zaključak za Vladu Federacije Bosne i Hercegovine.

Na 24. sjednici Komisije, održanoj 22. 1. 2025, usvojen je Izvještaj o radu Komisije za 2024. godinu.

Na 24. sjednici Komisije, održanoj 22. 1. 2025, usvojen je Orijentacioni radni plan Komisije za 2025. godinu.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2025. godini razmatrala dva prijedloga zakona, i to:

1. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: poslanici Saša Magazinović i Jasmin Imamović

Komisija je u drugoj komisijskoj fazi prihvatila Prijedlog zakona s četiri amandmana. Predstavnički dom je na 28. sjednici, održanoj 15. 5. 2025, usvojio Prijedlog zakona u drugom čitanju.

2. Prijedlog zakona o dopuni Zakona o Javnom radiotelevizijskom servisu Bosne i Hercegovine, predlagač: Klub poslanika Stranke demokratske akcije

Komisija je u prvoj komisijskoj fazi podržala principe Prijedloga zakona. Predstavnički dom na 31. sjednici, održanoj 11. 9. 2025, nije usvojio Prijedlog zakona u prvom čitanju.

Odjeljak B. Izvještaji o radu

U izvještajnom periodu Komisija je razmatrala izvještaje o radu institucija Bosne i Hercegovine za koje je nadležna, i to:

1. Izvještaj o radu i Finansijski izvještaj Agencije za poštanski saobraćaj Bosne i Hercegovine za 2024. godinu;
2. Izvještaj o radu Državne regulatorne komisije za električnu energiju za 2024. godinu;
3. Izvještaj o finansijskom poslovanju i Programski izvještaj BHRT-a za 2024. godinu;
4. Programski plan i Finansijski plan BHRT-a za 2025. godinu.

Odjeljak C. Imenovanja

U izvještajnom periodu Komisija je razmatrala sljedeće imenovanje iz svoje nadležnosti:

Rang-lista kandidata za članove Upravnog odbora Javnog radiotelevizijskog servisa Bosne i Hercegovine iz konstitutivnih naroda i iz reda ostalih.

Odjeljak D. Aktivnosti u vezi s razmatranjem i usvajanjem ostalih akata

Komisija je u okviru svoje nadležnosti razmatrala sljedeće akte:

1. Poslaničku inicijativu Saše Magazinovića kojom se zadužuje Agencija za identifikacione dokumente, evidenciju i razmjenu podataka Bosne i Hercegovine da izradi i u proceduru uputi izmjene Pravilnika kojim će se ukinuti diskriminacija po osnovu starosti i

- zdravstvenog stanja tako da se troškovi takse za produženje vozačke dozvole izjednače za sve vozače, budući da prema sadašnjim propisima vozači starije životne dobi plaćaju i do 3,3 puta veći iznos novca od iznosa koji plaćaju mlađi vozači u istom periodu, dok istovremeno postoje slučajevi u kojima vozači umanjene zdravstvene sposobnosti plaćaju i do pet puta veći iznos takse u odnosu na druge vozače za isti period;
2. Poslaničku inicijativu Albina Muslića kojom Predstavnički dom traži od Ministarstva komunikacija i prometa BiH da, u skladu sa svojim nadležnostima, preduzme sve radnje i mjere s ciljem hitne revitalizacije Unske pruge sa aspekta razvoja željezničkog transporta Bosne i Hercegovine te privrednog i turističkog razvoja;
 3. Prijedlog izvještaja o javnom saslušanju ministra komunikacija i prometa Bosne i Hercegovine;
 4. Informaciju Ministarstva komunikacija i prometa Bosne i Hercegovine o problemima u provođenju Zakona o Javnom radiotelevizijskom sistemu Bosne i Hercegovine;
 5. Informaciju Ministarstva komunikacija i prometa Bosne i Hercegovine o realizaciji zaključaka Komisije;
 6. Odgovor Ministarstva komunikacija i prometa Bosne i Hercegovine na zaključak Komisije (problem s ograničenjem u vremenu boravka vozača iz Bosne i Hercegovine na teritoriji Evropske unije);
 7. Odgovor Ministarstva komunikacija i prometa Bosne i Hercegovine na zaključke Predstavničkog doma PSBiH (usvojene u okviru rasprave o Izvještaju o javnom saslušanju ministra komunikacija i prometa BiH);
 8. Dopis Agencije za pružanje usluga u zračnoj plovidbi Bosne i Hercegovine u vezi s izvršnim nalogom o zapljeni zbog duga Bosne i Hercegovine prema kompaniji Vijadukt d.o.o. Portorož;
 9. Odgovor Pravobranilaštva na zaključak Komisije u vezi s arbitražnim postupkom u predmetu Vijadukt d. o. o. Portorož;
 10. Dopisi generalnog direktora BHRT-a u vezi sa stanjem u BHRT-u (na pet sjednica);
 11. Dopis predsjedavajućeg Upravnog odbora BHRT-a u vezi sa istekom mandata članovima UOBHRT-a i generalnom direktoru BHRT-a;
 12. Dopis predsjedavajućeg UOBHRT-a i predsjedavajuće UORTVFBiH u vezi sa usklađivanjem visine RTV takse sa službenom stopom inflacije;
 13. Odgovor Regulatorne agencije za komunikacije na zaključak Komisije;
 14. Odgovor Elektroprijenosa Bosne i Hercegovine na zaključak Komisije;
 15. Odgovor Nezavisnog operatora sistema Bosne i Hercegovine na zaključak Komisije;
 16. Odgovor Agencije za pružanje usluga u zračnoj plovidbi Bosne i Hercegovine na zaključak Komisije;
 17. Prijedlog izvještaja o radu Komisije za saobraćaj i komunikacije Predstavničkog doma u 2024. godini;
 18. Prijedlog orijentacionog radnog plana Komisije za saobraćaj i komunikacije Predstavničkog doma za 2025. godinu.

Odjeljak E. Ostale aktivnosti Komisije

Komisija je 11. 2. 2025. provela javno saslušanje ministra komunikacija i prometa BiH.

U organizaciji Komisije i Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, u Sarajevu je 4. 3. 2025. održana prezentacija direktora Sekretarijata Energetske zajednice o temi: „Provođenje Ugovora o Energetskoj zajednici – kako stoji Bosna i Hercegovina“.

Komisija je 19. 11. 2025. održala tematsku sjednicu: „Stanje u elektroenergetskom sektoru Bosne i Hercegovine“.

Odjeljak F. Međunarodna saradnja, seminari, konferencije i radni sastanci

Članovi Komisije Milan Dunović, Jasmin Emrić, Slavko Matić i Šemsudin Mehmedović 11. 2. 2025. u zgradi Parlamentarne skupštine BiH održali su sastanak s predstavnicima Udruženja ovlaštenih zastupnika i trgovaca automobilima koje djeluje pri Privrednoj komori Federacije Bosne i Hercegovine.

Predsjedavajući Komisije Jasmin Imamović održao je 1. 9. 2025. u zgradi Parlamentarne skupštine BiH sastanak s predstavnicima Konzorcijuma Logistika Bosne i Hercegovine.

Predsjedavajući Komisije Jasmin Imamović održao je 24. 9. 2025. u zgradi Parlamentarne skupštine BiH sastanak s predstavnicima Asocijacije autoškola Bosne i Hercegovine.

Članovi Komisije Jasmin Emrić i Jasmin Imamović održali su 16. 10. 2025. sastanak s predstavnicima Samostalnog sindikata radnika u BHRT-u.

POGLAVLJE III. REZIME

Na osnovu navedenih aktivnosti, može se konstatirati da je Komisija u 2025. godini blagovremeno razmatrala sve materijale iz svoje nadležnosti.

U domenu zakonodavne aktivnosti Komisija je u 2025. godini razmatrala dva prijedloga zakona, čiji su predlagači poslanici u Predstavničkom domu PSBiH.

Komisija je kontinuirano saradivala s Vijećem ministara BiH i resornim Ministarstvom komunikacija i prometa BiH pa su predstavnici Ministarstva (ministar, pomoćnici ministra i sekretar) prisustvovali sjednicama Komisije prilikom razmatranja prijedloga zakona, poslaničkih inicijativa i akata iz nadležnosti Ministarstva komunikacija i prometa BiH, kao i javnom saslušanju.

PREDSJEDAVALA KOMISIJE
Jasmin Imamović

Prilog: Tabela 2. Tabela prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije										
	24	25	26	27	28	29	30	31	32	33	34
	22. 1. 2025.	12. 3. 2025.	14. 4. 2025.	13. 5. 2025.	15. 5. 2025.	3. 6. 2025.	12. 6. 2025.	8. 7. 2025.	14. 10. 2025.	26. 11. 2025.	12. 12. 2025.
Jasmin Imamović	+	+	+	+	+	+	-	+	+	+	+
Sanja Vulić	-	-	-	-	-	-	-	-	-	-	-
Slavko Matić	-	+	+	-	+	+	+	+	+	+	-
Milan Dunović	+	+	+	+	+	+	+	+	+	+	+
Jasmin Emrić	+	+	+	+	+	+	+	+	+	+	+
Nenad Grković	-	+	+	-	+	+	+	+	+	+	+
Šemsudin Mehmedović	+	+	+	+	+	-	-	+	+	+	+
Nihad Omerović	+	+	+	+	+	+	-	-	+	-	-
Edin Ramić	-	+	-	-	-	+	+	-	-	-	-